

四庫全書

集部

欽定四庫全書

皇霸文紀卷四

明 梅鼎祚 編

周 三

周器銘

周嘉量銘

考工記鼎氏為量其銘曰

時文思索允臻其極嘉量既成以觀四國永啓厥後茲

器維則

觀音貫時是也言惟是文德之君思索以求其理也極中也作為此量使天下取信而至其中

也觀示也

周邾鼎銘

三十二字邾古岐字○漢書宣帝時美陽得鼎獻之有司議薦見宗廟張敞好

古文字按鼎銘勒上議以邾梁豐鎬為周舊居固宜有宗廟壇場祭祀之臧今鼎出邾東中有刻書殆周以褒賜大臣大臣子孫刻銘先功臧之宮廟也不宜薦見宗廟制曰京兆尹議是○以下並鼎先錫命次自作尊彝諸器皆然

王命尸臣官此栒邑賜爾旂鷩黼珣戈尸臣拜手稽

首曰敢對揚天子丕顯休命

尸臣尸事之臣也
栒音荀即幽也

周仲山父鼎銘

後漢書和帝永元元年秋車騎將軍竇憲伐單于大敗之稽落山勒

功燕然南單于於漠北遺憲
古鼎憲乃上之其旁銘曰

仲山甫鼎其萬年子子孫孫永寶用

垂鼎銘

玉海唐開元十三年十月萬年人工慶築垣掘地獲寶鼎五獻之四鼎皆有銘曰

垂作尊鼎萬福無疆子孫永寶用

尊鼎銘

宋董道廣川書跋云李保季得鼎于長安耕者有銘尊鼎異形其制似鼎者此蓋鼎

尊也

永作尊鼎萬壽無疆子子孫孫永寶用

周季嬭鼎銘

四十八字○宣和博古圖

正月王在成周王徙于楚麓命小臣交先見楚居王至

于徙居廡遺小臣交錫貝錫馬兩交拜稽首對揚王休

用作季嬭寶尊彝

成周者西周也麓說文以為守山林史又曰林屬於山為麓則徙於楚麓

者謂其山之林麓蓋如書言大麓之類王欲徙楚先命小臣交往見以相其居王至于居也復遣錫貝錫馬及兩所以賞之曰季嬭者說文嬭通作姁以謂祝融之後姓也富辰嘗舉叔姁而韋昭亦以姁為姁姓之女則嬭乃其妃也曰季者又特言其序耳詩所謂彼美孟姜仲氏任只有齊季女皆指其序也又有嬭氏鼎見後

周南宮中鼎銘一

五十七字
○博古

惟十有三月庚寅王在寒帥王命太史括懷土王曰申
茲懷人內史錫于琰玉作臣今括里汝懷土作乃采申

對王休命蕭父乙尊惟臣尚中臣赫赫

嘯堂集古錄懷並作楊內作入

琰王作武王赫赫作十八大夫八大夫非

周南宮中鼎銘二

三十九字。三同不錄。

惟王命南宮伐反虎方之年王命中先相南國貫行甄

王居在射圃真山中呼歸生原刊王甄刊寶彝

右鼎器後二器

同文以南宮為氏者在周有之如書所謂南宮括南宮毛是也中則其名耳然名氏同而款識或異曰作乃采者蓋采事也命以立事則因為此鼎而勒之銘也其曰伐虎方之年者虎方猶鬼方也虎為西方之獸是必因西征而昭其功以銘之也

父己鼎銘

二十八字
博古圖

癸亥王徙刊作冊妝新宗王賡作冊豐貝太子錫練大

貝用作父己寶鬲

商以十千名至周則有
乙公得於己未見焉

周仲偁父鼎銘

三十五字
博古

唯王五月初吉丁亥周伯臯及仲偁父伐南淮節孚金

用作寶鼎其萬年子子孫孫永寶用

彝器名物非下可
得專蓋君上用以

昭有功也此若召虎平淮夷宣
王用簠爾圭贊鉅鬯一卣之意

周師秦宮鼎銘

四十七字磨滅十二字
博古

惟五月既望王

闕

于師秦宮王格于享廟王

闕

錫

闕

萬年永寶用

惟五月既望紀時紀日也師秦宮則師秦之宮以名其人猶師虓師毀也王格于享

廟而有錫焉則錫命賞于祖也

周雖公誠鼎銘

四十一字○集古錄作商維鼎銘誠作誠考古作雖公誠博古依篆

作誠○以下自作

惟十有四月既死霸王在下保雖公誠作尊鼎用追享

孝于皇祖考用乞眉壽萬年無疆子子孫孫永寶用

考古

圖云惟十有四月古器多有是文或十有三月或十有九月疑嗣王居憂雖踰年未改元故以月數也集古錄亦未明又疑十有四書其年月既死霸記其月也保雖或宮名如西雖之類集古雖公不知為何人保作都孝作丁劉原父云古丁寧通用則為享寧○鼎按篆丁鼎敦罕見此文為丁

周伯碩父鼎銘

五十字
博古

惟六年八月初吉己子史伯碩父追孝于朕皇考釐仲王母乳母尊鼎用祈丕百祿眉壽綰綽永命萬年無疆

子子孫孫永寶用享

惟六年八月初吉己者以年繫月以月繫日也曰子史伯碩父者伯

碩父雖不見於經傳然周有太史內史之官謂之子史則稱於父曰子舉其官曰史而伯碩父則又其名也曰

追孝于朕皇考釐仲王母乳母者用昭孝享于其考妣也釐謚也而曰釐仲者蓋古人以字為謚因以為族則仲疑其族也若王母乳母則追孝皇考而并及之綰綰則祝以優裕之辭○乳廣川書跋作舟

周史頤鼎銘

博古四十三字

史頤作朕皇考釐仲王母乳母尊鼎用追享孝用斲丂

眉壽永命令終頤其萬年多福無疆子子孫孫永寶用

享

史頤者雖不見經傳蓋史言其官頤疑其名是器與前伯頤父鼎言其考妣謚號相類

周言肇鼎銘

博古十字

其永寶用享言肇作尊鼎

周有司徒言曰肇則言始作此鼎也

周叔液鼎銘

二十三字
博古

惟五月庚申叔液自作饋鼎用斲眉壽萬年無疆永壽

用之

叔液不見經傳博古疑
周八士有叔夜為其族

周伯邳父鼎銘

十八字
博古

晉司徒伯邳父作周姬寶尊鼎其萬年永寶用

晉以僖
侯諱司

徒故廢司徒為中軍則晉

初有司徒也伯邳父其名

周齊莽史鼎銘

十九字
博古

齊莽史喜作寶鼎其眉壽萬年子子孫孫永寶用

是為
農官

莽則難氏掌殺草史其職也喜疑其名或以為田畷至喜之喜鑒

周乙公鼎銘

十一字
博古

乙公作尊鼎子子孫孫永寶

史記齊世家太公卒百餘年乙公得立

周嬭氏鼎銘

十一字疑一字
博古

惠作斂伯嬭氏烏鼎永寶用子冊

冊也許慎謂象其扎一長一短中有二編

之形符命也諸侯受命于王尊鼎之間多作此

周虺生鼎銘

十六字首字未詳
博古

歸虺生室作其鼎子子孫孫萬年永寶用

錄引后羿臣曰虺圉鄭大

夫公子尾不足證此其先
虞有納言之龍商有龍逢

孔文父飲鼎銘

十四字○下二器考古
錄形制與鼎小別故附

惟三月孔文父作此飲鼎子孫寶用

按此器銘謂之鼎而
制度乃類尊壺之屬

廣川書跋載大夫始鼎銘曰惟三月初吉壬寅王在
味宮大夫始錫作彝又曰王在辟宮獻工錫彝錫車
又曰大夫始對揚天子休用
作大考寶鼎孫子永寶用

王子吳飲鼎銘

飲字斷音于○書跋飲作飲古
飲字斷音于○三十一字

惟正月初吉丁亥王子吳擇其吉金自作飲鼎其眉壽

無期子子孫孫永保用之

銘云飲鼎斷字字書所
不載其形制則鼎也

廣川書跋書家考古謂無斲而斲見三蒼知為鼎也眉作釐

周召公尊銘

三十六字○博古○以下並尊

王大召公族于庚辰於王錫中馬自貫侯四嬭南宮括

王曰用先中甄王休用作父乙寶尊彝

此周王褒大召公之族于其廟

之器又旅陳其王所錫之馬駢于南宮駢衆多也乙者父之名乃周家召公子孫之酒彝也

周高克尊銘

五十八字博古○考古作中朝事後中尊引禮祠禴朝踐用獻尊後中者

尊在後列

而居中

唯十有六年十月既生霸乙未伯太師錫伯克僕山夫

伯克敢對揚天佑王伯友用作朕穆考後仲尊高克用

丐眉壽無疆克克其子子孫孫永保用享

周末衛文公時有高克將

兵後卒奔于陳則是器蓋衛物○案文不似高克考古伯克之克作串後克字並作中注云中中者二仲也博

古篆中鼎案楊南仲釋晉姜鼎串字為貫

周師餘尊銘

三十二字
博古

王汝上侯師餘從王夜功錫師餘金餘則對揚乃德用

作乃文考寶彝孫孫子子寶

上侯言其官師餘言其人餘既有功王乃錫餘金俾

作彝以薦家廟○夜功義舛爰非必為夜功一作攻

周單癸癸癸銘

二十九字內二字疑○
考古彙博古作自

圖爵選單癸癸夙夕饗爾宗尊癸其已父子豐作父癸

旅戎文考曰癸乃方

夙夕饗爾宗則是饗禮所用之
自宗者如禮記所言大宗小宗

之類非諸侯之傳姓者也是器乃單作父癸
自然先曰饗爾宗則癸於單族蓋是其宗耳

周已酉方癸銘

三十七字
博古

已酉戌命尊宜于招敵庚癸九弔無商貝朋方用室

圍宗癸在九月惟王一祀世昌五惟雨束

戌者守也如
齊侯使連稱

管至父戌葵丘之謂宜于招敵敵者以言其別故旌以
別之商貝朋方者五貝為朋如詩言錫我百朋用室圍

宗彝者彝宗廟常器如周官所載六彝商曰祀周曰年然武王訪箕子亦曰惟十有三祀○銘義難明

周母乙彝銘

十一字
玉海

丙寅王錫賓朋用作母乙彝

上尊曰彝中尊曰卣下尊曰壺

周淮父卣銘

三十九字○博古○
以下卣

穆從師淮父戍于古阜蔑歷錫貝山釶穆拜稽首對揚

師淮父休用作文考日乙寶尊彝其子孫永福

此後世追享之

器蓋穆從淮父以戍有功而君賜之也君賜臣以秬鬯之裸其始則盛于卣其終則裸于彝所以求神于陰者

曰日乙舉其日之吉也

周尹卣蓋銘

六十四字一字漫滅○
博古

惟十有二月王初祭旁唯還在周辰在庚申王飲西宮
僖咸釐尹錫臣唯樊陽尹休高對作父丙寶尊彝尹其
百萬年受乃永魯無競在○服祀長侯其子子孫孫寶

用

是蓋尹休高對揚君命而作父丙寶尊彝也曰王初
祭旁如詩言哉生魄商元魄之類庚申則又指其日

辰矣萬年受乃永受讀作壽○銘文之上有亞形中三
字鼎按商召闕鼎虎父鼎並有亞形中召夫虎字皆在
亞之中此卣不然注云亞室者廟室也如
左氏所謂宗祏藏主者也周器罕見亞形

周樂司徒旅卣銘

二十二字○
博古

樂大司徒子象之子洪作旅卣其眉壽子子孫孫永寶

用

樂者姓氏也宋戴公四世孫有樂莒司徒子象之子洪則司徒之孫作是器也旅卣者非一器猶編鐘編

磬之類○單於銘有旅車

周召仲丁壺銘

三十七字
博古

惟六月初吉丁亥召仲丁父自作壺用祀用饗多福滂

用斲眉壽萬年無疆子子孫孫永保是尚

仲丁類商銘而召乃周人

之姓如召伯召虎最為聞家令姓豈其功臣之世耶而父曰用祀用饗多福滂語極典古周禮朝踐用兩壺尊周祀之謂也左傳周景王燕晉文伯尊以魯壺用享之謂也許慎曰渥衍滂沛言多福與渥澤也坊記有曰恭

則有祭器故知此壺
之設祀饗兼用也

周邠敦銘

一百七字○集古薛尚功釋作邠劉原父釋作毛伯考古從薛

維二年正月初吉王在周邠或曰昭宮丁亥王格于宣射毛

伯內門立中庭右祝邠王呼內史冊命邠王曰邠昔先王

既命汝作邑繼五邑祝今余惟亂商乃命錫汝赤帑同

冕齊黃鑿斨用事邠拜稽首敢對揚天子休命邠用作

朕皇考龔伯尊敦邠其眉壽萬年無疆子子孫孫永寶

用享

考古圖云邠周大夫有功錫命為皇考作祭器也宣射即宣榭春秋記成周宣榭火蓋宣王之廟也

毛伯者執政之上卿也入廟門中其庭立而祝與邠皆在其右也王呼內史策命邠者內史掌諸侯孤卿大夫之策命也王曰者史執策贊王命以告邠也齊黃者馬齊色也邠受書歸奠于廟而銘諸敦禮也○鼎按注祝與邠皆在其右則兩人也其冊命邠云繼五邑祝則似邠本為祝史故稱祝邠耳或恐非兩○亂商薛作曠京

毛伯敦銘

同前劉
原父釋

惟二年正月初吉王在周昭宮丁亥王格于宣射毛伯入門位中庭右祝鄭王呼內史冊命鄭王曰鄭昔先王既命女作邑闕五邑祝今余佳亂商乃命錫女赤芾同冕齊黃絲旂用事鄭拜稽首敢對揚天子休命鄭用作

朕皇考龔伯尊敦鄭其鬻壽萬年無疆子子孫孫永寶

用享

集古錄云此敦原父得其蓋於扶風有此銘原父為考按其事史記武王克商尚父牽牲毛叔鄭奉

明水則此銘謂鄭者毛叔鄭也銘稱伯者爵也史稱叔者字也敦乃武王時器也○鼎按毛伯既入門立中庭矣右祝鄭則鄭自一人非毛伯也本文甚明且此敦為皇考龔伯作而毛叔鄭為文王之子故曰魯衛毛聃文之昭也則當言文考安得云皇考龔伯乎又集古有龔伯彝銘皇考懿公文公武伯皇考龔伯則此龔伯者即其人也與毛叔何預博古有毛父敦見後

周毛父敦銘

四十八字
博古

惟六月既生霸戊戌旦王格于太室師毛父即位邢伯

佑內史冊命錫赤帑對揚王休用作寶敦其萬年子子

孫孫其永寶用

博古云太室廟中之室載敦牧敦皆云王格于太室蓋受四方諸侯之朝必于

其廟詩言嗣王朝于廟者也毛父則史稱武王克商毛叔奉明水史稱叔字也春秋書毛伯爵也邠敦銘亦云毛伯即毛父其人歟內史凡命諸侯及孤卿大夫則冊命之○毛父亦未見為毛叔敦與毛伯敦同

周戡敦銘

廣韻戡之翼切七十三字考古圖

惟正月乙子王格于太室蘇公入右戡立中庭北嚮王曰戡命汝作治土官治籍田錫汝戡玄衣赤環帑鑿旂楚徒馬取賸五取用事戡拜稽首對揚王休用作朕文

考實敦其子子孫孫永用

其銘與邠相似此云正月乙子及商癸亥亦曰丁子日辰

剛柔不相配疑乙子即甲子丁子即丙子世實人淳取其同類殆不可考蔡博士肇云晉文公城濮之戰獻楚俘於周駟介百乘徒兵千而敦父有曰楚徒者乃以楚之徒兵錫之禮諸侯不相遺俘天王得以錫侯國

周牧敦銘

二百二十五字闕十字
考古

惟王十年主父三月既生魄甲寅王在周在師保傅宮

格太室即位公今兹入右牧立中庭王呼內史吳冊命

牧王若曰牧昔先王既命汝作治土臣余惟域闕命

汝辟百寮有同事

闕

迪多辭不用先王作刑亦多

虐庶民乃錄庶右謗

闕

不刑不中乃侯之崩

闕

田

訛闕司偁久臯乃故王曰牧汝毋敎先王作明刑用雋

乃咄庶右謗毋敢不明不中不刑乃申政事毋敢不庠

不中不刑今余惟京乃命錫汝秬鬯一卣金車華軒畫

輦束號卮斲虎冕練裏余四匹取

闕

敬夙夕勿壞朕

命牧拜稽首敢對揚王丕顯休命作朕皇祖考益伯寶

尊敎牧其萬年壽考子子孫孫永寶用

其銘與邠敎戩
敎相似所錫有

秬鬯一卣及虎冕練裏之類與寅簋相似司服所掌五
冕無虎冕先儒釋毳之章宗彛為首宗彛有虎雖故謂

之毳以是考之虎兇即毳兇也○鼎按
趙武靈王自稱主父此首云主父未詳

周毀敦銘

一百一十二字
博古

惟王元年正月初吉丁亥伯和父若曰師毀乃祖考有婚
于我家汝佑惟小子余命汝死我家繼治我西偏東偏僕
馭百工牧臣妾東哉內外毋敢不善錫汝戈矛戟縞必彤
侯矢十五鐸鐘一磬五金敬乃夙夜用事毀拜稽首敢對
揚皇君休用作朕文考乙仲龔敦毀其萬年子子孫孫永

實用享

伯和父者和衛武公代王而言者師毀為周室姻
姬舊族銘厥功而錫是敦且兼戈矛鐸鐘之物○

徐獻忠云毀而曰師父師之類鼎按師賓父師秦宮亦其官稱耳不必父師也○玉海彤下有候字敬作鈇

周敬敦銘

一百四十字
博古

惟王十月王在成周南淮節趨及內伐浪昂參怡裕
敏陰陽洛王命敬追迎于上洛憇谷至于伊班長檣
哉首百執僊曰雜孚人三百鄙于父伯之廝于憇衣
誦復付乃君維王十有一月王格于成周太廟武公
入佑敬告禽馘百僊曰王蔑敬歷事尹氏受釐敬圭
鬲幣貝五十朋錫田于敬五十田于早五十田敬敢

對揚天子休用作尊敦敬其萬年子子孫孫永寶用

徐獻忠云此文

與商周之書同辭與雅頌之詩同意蓋敦有執訊復俘之功而獻之王告廟受釐之後而錫之圭幣土田者如此其云南淮節遼及內伐浪昂蓋淮夷內伐將向于昂參之墟蓋西方也豈宣王之世淮戎並興之日耶王命敦追迎于上洛愬谷至於伊蓋禦敵之師自西而及于洛中也自時雖俘三百人而百執僕曰乃其首事者也于愬衣飾復付乃君蓋自愬谷已誦聞其事而復以所俘付于君也故王至自周太廟而受之宜其銘諸金石以揚天子休命也○玉海欽作欽

周周敦銘

七十四字○案此本冊命周考古作周敦為是博古作宰辟父敦

惟四月初吉王在辟宮宰辟父佑周位王冊命周曰錫汝華

朱芾玄衣束帶於鑿革錫戈琫戟彤侯矢用養乃祖考事官

嗣節僕小射底敷周稽首對揚王休命用作文考寶敦其孫

孫子子永寶用

周者公子周悼公也悼公文襄之後故有用作文考寶敦之辭古者錫有功則必有彝器

以紀其事且告于家廟焉銘曰用養乃祖考者謂此○革一作單戈一作汝

周散季敦銘

三十三字
博古

惟王四年八月初吉丁亥散季肇作朕王母叔寶姜敦散季其

萬萬年子子孫孫永寶

考古圖云以太初厯推之文王受命歲在庚午九年而終歲在己卯書曰惟九

年大統未集武王即位之四年敦文曰惟王四年蓋武王也是年一月辛卯朔書月惟一日壬辰旁死魄二日也是歲二月後有閏自一月至八月小晝者四故八月丁亥朔敦文相合散氏者必散宜生季其行也○散季未必為宜生叔集古作弟誤

周翼敦銘

四十字○考古作翼敦翼廣韻於建切大貌集古作翼伯彛

翼作皇祖益公文武伯皇考龔伯龔彛翼其熙萬年無疆

令終令命其子子孫孫永寶用享于宗室

翼必諸侯也故祭及四世武伯龔伯以諡

配字益公文公則言其爵此器本敦而名為彛者舉器之總名○龔集古作尊熙薛尚功作亟令終令命集古作需終需始

周伯庶父敦銘

十九字
考古

惟二月戊寅伯庶父作王姑周姜尊敦其永寶用

按此器稱

王姑周姜稱姑婦辭也王姑夫之母也作器者乃庶父未詳或謂王姑者王父之姊妹然王父姊妹當從人有歸宗及殤柩亦不容制器以祭○周集古作舟薛釋周

周周姜敦銘

十六字
集古

伯囧父作周姜寶敦用夙夕享用斲萬壽

集古云尚書
囧命序穆王

命伯囧為周太僕正則此敦周穆王時器也○考
古作伯首博古作伯景引囧命亦作景命未詳

號姜敦銘

四十四字
考古

號姜作寶尊敦用禪追孝于皇考惠仲斲此康慶純祐
通錄永命號姜其萬年眉壽受福無疆子子孫孫永寶
用享

周雁侯敦銘

十四字
考古

雁侯作姬遽母尊敦其萬年永寶用

雁侯者武王第四子曰雁侯姬遽母

者遽與原同蓋古姓氏武王之姬雁侯之母也

周刺公敦銘

二十八字
博古

伯據祖肇作皇考刺公尊敦用享用孝萬年眉壽峻在

位子子孫孫永寶

此曰皇考刺公其臆敦曰刺祖乙伯按太公望子丁公伋伋子乙公得是

刺公乃乙公族也二器皆宗廟之器故皆曰用享用孝

周仲駒父敦銘

十八字三器
博古

永旁仲駒父作仲姜敦子子孫孫永寶用享孝

仲駒父國氏世

次未詳仲姜者蓋仲駒父之母或祖也或以為妻禮夫
不祭妻凡婦人以字配姓仲姜亦如伯姬仲子享妻之
類齊許申呂皆姜姓此未詳何國女器有用器有祭器
凡銘享孝追孝祀禪者皆祭器也○首云秉傍未詳其
義

周孟姜敦銘

二十八字
博古

叔孫父作孟姜尊敦綰綽眉壽永命彌生萬年無疆子

子孫孫永寶用享

叔孫氏出桓公之後姜齊姓齊魯媾
姻之國孟則長女詩所謂孟姜同意

周仲莫父敦銘

十七字
博古

蒯仲莫父作尊敦其萬年子子孫孫永寶用

仲莫父其字
蒯或姓名

宰辟父敦銘

廣川書跋云楊氏圖古器有銅敦銘其制與周姜敦異

宰辟父古周立王冊命周周頓首奉揚王休命用作文

考寶敦

周史張父敦蓋銘

十二字
博古

史張父作尊敦其萬年永寶用

史其官
張其字

張仲簋銘

四十一字
集古

張仲作寶匡奉之金鏤錫

錫

錫

錫

其貯其玄其黃用

用

辨

授熊

辨

用饗大正商王寘饗鼎召飮用張仲受無

疆福失

宋

卅飲臥鼎餽張仲萬壽

歐陽修云臣銘雖四而文則一今類轉注

偏旁之或異者分注釋文○案正釋外備模原篆待考異者注下臣與簠同

同前

薛尚功鼎彝款識有此釋文五十一字

張仲作寶簠葉之金缺銳缺鏹其熏其玄其黃用盛諸受糲米用饗大正音王賓飧具召飼張仲受無疆福必

友飧飼鼎寶張仲昇壽

考古云二器四銘文有不同詩侯誰在矣張仲孝友蓋宣王時

人也徐云此文古雅惜有難讀處集古本與鼎彝款識本釋各不同其商王商字欵識作音王商王二字義多不通按其文局蓋大篆體侯知者考定或疑高字高王又非周宣王語○銳缺考古作銳缺黃作亥昇作眉友

共作

同前

黃伯思東觀餘論云劉原父弼仲臣銘以隸寫之

弼仲作寶簠擇之金鏐銳鏐鑪其纁其玄其黃用盛諸

旋樵米用饗大正音王寘飴具召飼弼仲受無疆福必

共餐飼具餼弼仲眉壽所

餼與餘同音飽

周叔邦父簠銘

二十二字博古

叔邦父作簠用征用行用從君子子孫孫其萬年無

疆

用征用行叔波鼎亦曰以征以行王安石字說征行正也凡言征皆以正行名之○寶簠銘亦有叔邦父

寅簋銘

一百五十八字
考古

有進後雩邦人正之師氏人有臯有故西馭服即汝囟
繇官卑復虐逐乃君乃師乃作予一人服王曰寅敬明
乃心用辟我一人善故乃友內辟勿事黷虐從獄受雜
且行道乃非正命乃故疾譏人則惟輔天降喪不亡惟
死錫汝秬鬯一卣乃芹蒂赤湯醵軒朱輦華號卮繫虎
冕練裏畫鞞畫輦爵金甬馬四匹鎗勤敬夙夕勿廢朕
命寅拜稽首對揚天子丕顯魯休用作寶簋叔邦父叔

故萬年子子孫孫永寶用

廢一作法故一作姑○徐云此文前段皆訓誥體實者司

法之臣故以慎法訓之如穆王訓呂侯之類而寅因述以銘諸簋也中間字有難解

周京叔簋銘

十一字
考古

京叔作饗簋其萬壽永寶用

京叔者鄭莊公弟叔段請居京城因謂京城大叔疑

出于此饗簋者因饗禮以錫簋如彤弓一朝饗之者也

叔高父旅簋銘

十六字○考古
旅集古作旅簋

叔高父作旅簋其萬年子子孫孫永寶用

周劉公鋪銘

十字
考古

劉公作杜孺尊鋪永寶用

周靈王時有劉定公景王時有劉獻公此云劉公未審其

誰○博古云劉公是作是器追享杜孺未見追享之意

史信父甌銘

玉海宋咸平三年九月乾州獻古銅鼎狀方而四足上有古文二十一字

直昭文館句中正與杜鎬詳其文曰上言按墨子云夏后鑄鼎四足而方春秋傳云晉侯賜子產二方鼎此其類也又說文云甌甌也爾雅曰甌謂之鬲詩云漉之釜鬲此所獲有無疆之兆請紀史冊傳示千載從之○趙明誠云方鼎與甌是兩物○宣和博古圖云甌上若甌下若鬲或三足而圓或四足而方列鋪豆之後

維六月初吉史信父作鬲甌期萬年子子孫孫永寶用

周蔑教鬲銘

九字
考古

蔑教祿光康○

孝永寶德

楚之君有霄教若教杜教
邾教其名官亦有莫教意

蔑者或出于斯
光康未可臆論

周孔父鬲銘

十二字
考古

孔父作尊鬲子子孫孫永寶用

周仲父鬲銘

十六字
博古

仲父作尊鬲子子孫孫其萬年永寶用

仲以下一字不可辨

周京姜鬲銘

十一字
考古

京姜庚仲作尊鬲其永寶用

京姜者詩京室之婦太姒嗣徽音蓋太王之妃曰太

姜周武王追尊祖考國以京言之故謂之京姜

周伯玉寶盃銘

十九字
集古

伯玉般子作寶盃其萬斯年子子孫孫其永寶用

周嘉仲盃銘

二十字
博古

嘉仲諸友用其吉金自作孟子子孫孫其永用之

嘉仲

無見經傳曰諸友與朋友共之器也○諸友二字三代時安得此淺語或以人姓名如諸梁公子友之類

周伯弋饋盃銘

考古

卬仲之孫伯弔自作饋盥永保用之

蓋銘十四字

惟八月初吉庚午卬仲之孫伯弔自作饋盥其眉壽萬年無疆子子孫孫永保用之

居銘三十三字

伯弔頤盤銘

三十三字
考古○頤音悔

惟正月初吉丁亥卬仲之孫

闕

壽萬年無疆子子孫孫永寶用之

按此器與饋盥二物皆曰卬仲之孫伯弔

自作頤盤

用新眉

周司寇匱銘

二十字
考古

作司寇彝用遣用歸維之百寮雱之四方永之祜福

周官

有大小司寇銘曰維之百寮則非大司寇不足當是語也○古器銘多用雱語

周文姬匱銘

十八字
博古

丙寅子錫龜貝用作文姬已寶彝十一月有三

鉅伯旅匱銘

十二字
考古

鉅伯作旅匱子子孫孫永寶用

按鉅字依前鉅
仲蓋當作張字

周義母旅匱銘

十七字
博古

仲故義母作旅匱其萬年子子孫孫永寶用

博古引左
傳以義母

爲晉襄公稱文公之庶杜祁絕無可據若此
屬者闕疑可也○姑南燕姓如燕姑之類

周魯正叔匱盤銘

十八字
博古

魯正叔之匱作盤其匱子子孫孫永壽用之

周季姜杅銘

十七字
考古

伯索史作季姜寶盃其萬年子子孫孫永用

季姜於書
傳多指婦

人如所謂

孟姜也

周蛟篆鐘銘

五十二字
博古云字極古間
作鷹鵠蛟螭之形
故名蛟篆

惟正月王春吉日丁亥既望分呂純釐擇乃吉金自欣

和其安以樂娛奉喜而賓客其怡鼓之夙慕不忘烏余

子孫萬葉無疆用之協相

惟正月仲春吉日者猶漢麟鳳銘言秋十月也蓋正月之

吉適得仲春之節故謹其時而言之○徐云此文有雅體真周人作也薛尚功歛識法帖以為商器非○麟鳳

銘載東漢文紀

周遲父鐘銘

遲父作姬齊姜鰌林夾鐘用昭乃穆穆不顯龍光乃用

斬丌多福侯父洎齊萬年眉壽子子孫孫亡疆寶

是鐘遲父

為齊姬姜作遲父必王臣也以天子之休命安齊侯之女欲作陰呂之鐘以宜其室家一以昭天子之寵光一

以祝齊侯之壽考
而傳于子孫者也

周聘鐘銘

宮今宰僕錫聘鐘十有二聘敢拜稽首

編鐘十六聘所
錫十二其為分

方應律
者也

周寶和鐘銘

走作朕皇祖文考寶龢鐘走其萬年子子孫孫永寶用

享

寶和三鐘銘文皆同曰走自卑之辭如司馬遷牛馬
走是也書傳稱文者不一博古以皇祖文考當在成

康之後然曹楚晉魏
王侯亦多稱文也

造磬銘

六十三字
考古

上
辭
了
普
新
子
望
書
巧
唯
亦
自
應
得
之
名
日

東
后
吳
音
錦
鷄
起
飛
已
度
理
夾
十
五
天
君
賜
上

心
釐
機
其
吉
石
玄
久
臭
已

缺

鐸
公
王
始

上
殺
厘
樂
山
夢
子
目

彫
戈
銘

李伯時得彫戈蟲鳥書黃金
文銘六字蓋三代銅金篆也

主用父作彫戈

張懷瓘書錄

皇霸文紀卷四

欽定四庫全書

集部

皇霸文紀卷五

六

詳校官庶吉士臣謝恭銘

主事銜臣徐以坤覆勘

總校官知縣臣繆琪

校對官中書臣朱忻

謄錄監生臣曹錫爵

欽定四庫全書

皇霸文紀卷五

明 梅鼎祚 編

魯

桓公

名允惠公子
在位十八年

卜生成季兆

左傳成季之將生也桓公使卜楚丘

氏亡則魯不昌又筮之遇大有之乾及生有文
在其手曰友遂以名之有功于魯為上卿至於

文子武子世增其業至季孫意如遂昭公哀公
欲因越伐魯以去三桓孫于邾而三桓之子孫

亦微

矣

其名曰友在公之右間于兩社為公室輔

友右並叶輔社叶魯為輔

轉注杜注殊略楊用脩
古文韻語止載後二句

筮辭

同復于父敬如君所

大有乾下離上乾為君父離變為乾同復於父故敬與君同

宣公

姬姓名倭又作委史記作倭一名接文公庶子襄仲殺世子惡及視而立之在位十八年

命季孫行父書

行父魯宗卿諡文子桓公子季友之後

莒紀公生大子僕又生季佗愛季佗而黜僕且多行無禮於國僕因國人弑紀公以其寶玉來奔宣公使僕人以書命季文子子之邑里革遇之而更其書公執之對曰毀則者為賊掩賊者

為賊竊寶者為軌用軌之財者為姦使君為賊
姦者不可不去也臣違君命者亦不可不殺也

公曰寡人實貪非
子之罪也乃舍之

夫莒大子不憚以吾故殺其君而以寶來其愛我甚矣
為我予之邑今日必授無逆命矣

里革更書

革魯
大史

夫莒大子殺其君而竊寶來不識窮固又求自適為我
流之於夷今日必通無逆命矣

國語○左傳云公命與
之邑曰今日必授季文

子使司寇出諸竟曰今日必達公問其故季文子使大
史克對曰先大夫臧文仲教行父事君之禮行父奉以

周旋弗敢失隊曰見有禮於其君者事之如孝子之養父母也見無禮於其君者誅之若鷹鷂之逐鳥雀也先君周公制周禮曰則以觀德德以處事事以度功功以食民作誓命曰毀則為賊掩賊為藏竊賄為盜盜器為姦主藏之名賴姦之用為大凶德有常無赦在九刑不忘行父還觀莒僕莫可則也孝敬忠信為吉德盜賊藏姦為凶德夫莒僕則其孝敬則弑君父矣則其忠信則竊寶玉矣其人則盜賊也其器則姦兆也保而利之則主藏也以訓則昏民無則焉不度於善而皆在于凶德是以去之昔高陽氏有才于八人蒼舒隕黜禱臧大臨是降庭堅仲容叔達齊聖廣淵明允篤誠天下之民謂之八愷高辛氏有才于八人伯奮仲堪叔獻季仲伯虎仲熊叔豹季狸忠肅共懿宣慈惠和天下之民謂之八元此十六族也世濟其美不隕其名以至於堯堯不能舉舜臣堯舉八愷使主后土以揆百事莫不時序地平天成舉八元使布五教于四方父義母慈兄友弟共子

孝內平外成昔帝鴻氏有不才子掩義隱賊好行凶德
醜類惡物頑嚚不友是與比周天下之民謂之渾敦少
皞氏有不才子毀信廢忠崇飾惡言靖譖庸回服讒蒐
慝以誣盛德天下之民謂之窮奇顓頊氏有不才子不
可教訓不知話言告之則頑舍之則嚚傲狠明德以亂
天常天下之民謂之嚚桀此三族也世濟其凶增其惡
名以至于堯堯不能去緡雲氏有不才子貪于飲食冒
于貨賄侵欲崇侈不可盈厭聚斂積實不知紀極不分
孤寡不恤窮匱天下之民以比三凶謂之饕餮舜臣堯
賓于四門流四凶族渾敦窮奇嚚桀饕餮投諸四裔以
禦魑魅是以堯崩而天下如一同心戴舜以為天子以
其舉十六相去四凶也故虞書數舜之功曰慎徽五典
五典克從無違教也曰納于百揆百揆時敘無廢事也
曰賓于四門四門穆穆無凶人也舜有大功二十而為
天子今行父雖未獲一吉人去一凶矣於舜之功二十
之一也庶幾免於戾乎○按傳不云書因附於後後並

此傲

定公

名宋襄公子
在位十五年

孔子為魯司寇命

韓詩外傳受命者必以其祖命之孔子為魯司寇命之曰○困

學紀聞云古重世
族故命必以祖

宋公之子弗父何孫魯孔丘命爾為司寇

孔子之先宋人宋襄公生

弗父何至正考父五世親盡別族為孔氏又四
世至防叔畏華氏之偪奔魯則孔子之曾祖也

哀公

名蔣定公子在位二
十七年而孫于越

與齊人書

袁公會吳師伐齊戰艾陵齊師大敗獲國書等以獻于公將戰吳子呼叔孫曰而事何也對曰從司馬王賜之甲創鉞曰奉爾君事敬無廢命叔孫未能對衛賜進曰州仇奉甲從君而拜公使大史固歸國子之元寘之新篋製之以玄纁加組帶馬寘書于其上

天若不識不衷何以使下國

春秋左傳

孔子誄

哀公十八年四月己丑孔子卒公誄之子貢曰君其不沒于魯乎生不能用死而誄

之非禮也稱余一人非名也○文心雕龍曰尼父卒哀公作誄觀其慙遺之切嗚呼之歎雖非辭作古式存焉至柳婁之誄惠子則辭哀而韻長矣

昊天不弔不慙遺一老俾屏余一人以在位斃斃余在

疾嗚呼哀哉尼父無自律

老叶朗口切父叶扶缶切天左傳昊天史記漢書作昊天

○注慙強也一作且也律法也言喪尼父無自以為法○羅泌路史發揮云不弔昊天節南山也不慙遺一老

俾守我王十月之交也嬛嬛在疚闕予小子也而乃以爲諛孔子之辭哀公顧亦集詩言而諛之乎故曰稱予一人非名也變仲言父非字諡也

天不遺耆老莫相予位焉嗚呼哀哉尼父

檀弓

臧孫辰

文仲魯大夫

遺魯書

文仲爲魯使齊齊拘之而興兵欲襲魯文仲陰使人遺公書恐得其書乃謬其辭公及大夫莫

能知之人有言臧孫母者世家子也召而問焉
泣下襟曰斂小器投諸台者言取郭外萌內之
於城中也食獵犬組羊裘者言趣饗職闕之士
而繕甲兵也琴之合甚思之者言思妻也臧我
羊羊有母是告妻善養母也食我以同魚同者
其文錯錯者所以治鋸鋸者所以治木也是有
木治保於獄矣冠纓不足帶有餘者頭亂不得
梳餓不得食也故知吾子拘而有木治矣於是
以臧孫母之言軍於竟上齊乃還文仲而不
伐魯○劉勰文心雕龍云文仲謬書于羊裘

斂小器投諸台食獵犬組羊裘琴之合甚思之臧我羊

羊有母食我以同魚冠纓不足帶有餘

劉向列女傳○
王弼州世貞赤

讀清裁云按齊繫臧文仲事不
見正史辭亦類鏡歌非尺牘語

季孫宿

武子文子
行父之子

子襄公璽書

襄公名午
成公子

襄公二十八年以宋盟故朝楚明年公還及方
城季武子取卞使公冶問璽書追而與之公冶
致使而退及舍而後聞取卞公曰欲之而言叛
祇見疏也公欲無入榮成伯賦式微乃歸公冶
致其邑於季氏而終不入焉曰欺其君何必使
余季孫見之則言季氏如他日不見則終不言
季氏○國語注云古者大夫
之印亦稱璽璽書璽封書也

聞守卞者將叛臣帥徒以討之旣得之矣敢告

左傳

同前國語

襄公在楚季武子取卞使季冶逆追而予之璽書以告公未言榮成子曰卞有臯而子征之子之隸也又何謁焉子冶歸致祿而不出曰使予欺君謂予能也

卞人將叛臣討之既得之矣

告叔孫豹殯書

穆子桓公子叔牙之後

初作中軍三分公室而各有其一及昭公時季孫謀去中軍豎牛曰夫子固欲去之謂叔孫穆子豹也及其舍之四分公室季氏擇二二子各一皆盡征之而貢于公以書使杜洩告于殯杜洩曰夫子惟不欲毀也故盟諸僖闕詛諸五父之衢受其書而投之帥士而哭之○杜洩叔孫氏宰

子固欲毀中軍既毀之矣故告

左傳

臧昭伯

為之子

齊盟載書

左傳魯昭公伐季氏不克孫于齊景公唁于野井而告之曰自莒疆以西請致

千社以待君命寡人將帥敝賦以從執事唯命是聽君之憂寡人之憂也臧昭伯率從者為盟

戮力壹心好惡同之信罪之有無繼繼從公無通外內

季孫斯

桓子

餒版文

公羊傳陽虎者季氏之宰也季氏專魯國虎專季氏拘季孫孟氏與叔孫氏逃而食

之餓而以爪餒鎖器之版至時出季氏于蒲圃弑不成虎奔齊

某月某日將殺我于蒲力能救我則于是

孔子

延陵季子碑

世相傳為孔子書名十字碑

嗚呼有吳延陵君子之墓

吾子行學古編以為古法帖止云嗚呼有吳君子而已篆

法敦古今碑妄增延陵之墓四字延陵墓三字是漢人方篆不與前六字合又音君子字作季子顯見其謬蓋漢器郡字半片正此君字也歐陽公以史記孔子世家考其歲月蹤跡南不踰楚未嘗至吳復引張從申疑記舊石埋滅玄宗命殷仲容模榻以傳是開元以前已有本矣因學紀聞云張燕公謝碑額表孔篆吳札之墳秦存展季之壠言孔子篆者始見于此趙明誠以為自唐以來相傳為孔子書大厯中蕭定再模刻季子之賢孔

子之銘不應略不見稱於前世至唐始傳也又碑銘始于東漢孔子時所未有而其字畫故為奇怪非孔子書無疑丹鉛續論又謂陶潛作季札讚夫子戾止爰詔作銘此可證據郎瑛七脩類藁有辯亦不能決也鼎謂非孔子書者為確○君字作蜀形與義與季不合

秘書

王允論衡云孔子將死遺書後始皇至魯觀孔子宅至沙丘而亡此虛也始皇不至魯

不知何一男子自稱秦始皇上我堂踞我牀顛倒衣裳

至沙丘而亡

異苑云秦世有謠秦始皇奄僊問吾戶據吾牀飲吾酒唾吾漿食吾飲以為糧張吾

弓射東牆前至沙丘當滅亡始皇既坑儒焚典乃發孔墓欲取諸經傳壙既啓於是悉如謠者之言又言謠文刊在家壁政甚惡之及達沙丘而脩別路見一羣小兒輦沙為阜問云沙丘從此得病

素書

鍾離意別傳云鍾離意為魯相出私錢付戶曹孔訢修孔子車身入廟拭几席劬履男子

張伯除堂下草得壁七枚懷其一以六枚白意孔子教授堂下牀頭懸一甕名訢問訢曰夫子

甕也背有丹書意發視之中有素書曰

後世修吾書董仲舒護吾車拭吾履發吾笥鍾離意壁

有七張伯懷其一

亂我書董仲舒或以為煩亂或以為亂者理也其後仲舒論思春秋造著

傳記皆

虛也

魯瑞門血書

春秋說題辭孔子謂子夏獲麟之月天當有血書魯瑞門子夏往視之血

書蜚為赤鳥化為帛鳥消書出化為圖中有制作之狀

趣作法聖人沒姬周亡慧東出秦正起胡破術書記散
孔不絕

麟書

伏侯古今注孔子生之夜有二蒼龍自天而下有二神女擎香霧於空中以沐徵在先

是里有五老列于庭則五星之精有麟吐玉書於闕里人家云徵在知其為異乃以繡紱繫麟角而去至敬王末魯定公二十四年魯人鉏商田於大澤得麟以示夫子知命之終乃抱麟解紱而涕泗焉

水精之子繼商周而素王出故蒼龍繞室五星降庭

麟圖文

沈約宋書符瑞志孔子到楚西北范氏街見芻兒摘麟傷其左足求薪而覆之孔子

曰兒來汝姓為赤誦名子喬字受紀兒發薪下
麟示孔子麟吐三卷圖每卷二十四字其言赤

起劉當

周亡赤氣起大曜興玄丘制命帝卯金

孔胸文

春秋演
孔圖

制作定世符運

虹玉刻文

符瑞志孔子作春秋制孝經既成齋戒
向北辰而拜告備于天乃有赤虹自上

下化為黃玉者三尺上有
刻文孔子跪受讀之曰

寶文出劉季握金刀在軫北字禾子天下服

爵玉刻

演孔圖孔論經有鳥化為書奉以告天赤爵集之化為黃玉刻曰

孔提命仰應法是為赤制

柳下惠妻

展禽魯大夫食邑柳下

夫諡惠諱

列女傳柳下惠死門人將諱之妻曰將諱夫子之德耶則二三子不如妾知之

也乃
諱曰

夫子之不伐兮夫子之不竭兮夫子之信誠而與人無
害兮柔屈從俗不強察兮蒙恥救民德彌大兮雖遇三
黜終不弊兮豈弟君子永能厲兮嗟呼惜哉乃下世兮

庶幾遐年今遂逝兮嗚呼哀哉魂神泄兮夫子之謚宜

為惠兮

伐叶扶廢切竭叶去例反害叶假懸反
察叶子例反大叶徒帝反泄叶私吏反

魯人驚

孔子誦

呂氏春秋曰孔子始用於魯魯人驚誦之
及三月政成化既行又作誦亦見家語孔

叢子

麋裘而韠投之無戾韠之麋裘投之無郵

韠叶毗臂反
孔叢子作帝

下同○麋鹿子也其皮以為裘加裼衣以朝天子也裼
小貌投棄也戾郵皆罪也○徐幹中論引謡云裘韠羔
裘求之無尤黑裘
素韠求之無戾

又誦

衰衣章甫實獲我所章甫衰衣惠我無私

朱儒頌

左傳襄公四年邾人莒人伐鄆臧紇救鄆敗于孤駘國人誦之曰

臧之孤裘敗我於孤駘我君小子朱儒是使朱儒朱儒

使我敗於邾

裘叶渠之切駘叶盈之切○孤裘大夫之服襄公幼弱故曰小子臧紇短小故曰朱

儒

魯郊丹鷄祝

說文

以斯翰音赤羽去魯侯之咎

咎音以與羽相叶

齊

呂望

本姓姜字牙東海上人其先封於呂
從其封姓武王時平商封齊營丘

釣璜文

竹書紀年云文王畋於磻溪之水呂尚
釣於涯王下趨拜曰望公七年乃今見光

景于斯矣尚立變名荅曰
望釣得玉璜其文要曰

姬受命昌來提撰爾洛鈐報在齊

尚出游見赤人自雒
出授尚書曰命曰呂

佐昌者子○尚書中候尚釣于渭濱魚腹玉璜刻云昌
受命呂佐之一云呂佐旌○說苑尚公釣得鯉剗魚腹

得書云呂
望封於齊

東伐誓文

史記武王即位九年欲修文王業東伐
紂以觀諸侯集否師行師尚父左杖黃

鐵右把白旄以誓遂至盟津諸侯不期而會者八百武王曰未可還師作太誓

蒼兕蒼兕總爾衆庶與爾舟楫後至者斬

楊慎云尚書泰誓無此文

蓋張霸偽作之泰誓也○蒼兕馬融云主舟楫官名王充云水獸九頭誓衆令急齊故言蒼兕以懼之索隱云或作蒼雉

周太師望饗彛銘

九字○博古云簋也而謂之饗彛蓋饗訓煮熟食簋盛黍稷惟

熟可食
饗音商

太師小子師望作饗彛

博古又有周師望敦與此全同

太公缶銘

十二字
博古圖

太公作饗寶缶子孫永寶用享

桓公

呂姓名小白僖公子其先太公呂尚封于齊本姓姜氏

遺魯書

魯莊公時

齊襄公淫暴諸弟懼禍及子糾奔魯小白奔莒及襄公見弒小白自莒入是為桓公魯亦送子糾戰于乾時魯兵敗走齊邈魯書魯人遂殺子糾于笙瀆召忽自殺管仲請囚桓公以為大夫

任政

子糾兄弟弗忍誅請魯自殺之召忽管仲讎也請得而

甘心醢之不然將圍魯

史記○左傳鮑叔帥師來言曰子糾親也請君討之管召讎也

請受而甘心焉國語及管子諸址有載亦不云書

葵丘盟辭

孟子五霸桓公為盛葵丘之會諸侯束牲載書而不歃血

初命曰誅不孝無易樹子無以妾為妻再命曰尊賢育才以彰有德三命曰敬老慈幼無忘賓旅四命曰士無世官官事無攝取士必得無專殺大夫五命曰無曲防無遏糴無有封而不告曰凡我同盟之人既盟之後言

歸于好

穀梁傳葵丘之盟陳牲而不殺匱書加於牲上壹明天子之禁曰毋雍泉毋訖糴毋易樹子毋

以妾為妻毋使

婦人與國事

齊侯鐔鐘銘

惟王五月辰在戊寅師于淄陞公曰汝及予經乃先祖
余既敷乃心汝小心畏忌汝不墜夙夜宦執而政事余
弘厭乃心余命汝政于朕三軍肅成朕師旗之政德諫
罰朕庶民左右毋諱及不敢弗懲戒虔卹乃死事穆和
三軍徒衡雩乃行師慎中乃罰公曰及汝敬共辭命汝
應鬲公家汝恐恪朕行師汝肇敏于戎攻余錫汝釐都
脩爵其縣三百余命汝治辭釐造國徒三千為汝敵寮

乃敢用拜稽首弗敢不對揚朕辟皇君之錫休命公曰
及汝康能乃有事率乃敵寮余用登純厚乃命汝及母
曰予小子汝敷余于艱卹虔卹不易左右余一人余命
汝緘差饗為大事繼命于外內之事中敷盟刑汝以敷
戒公家應卹余于盟卹汝以卹余朕身余錫汝車馬戎
兵釐僕二百有五十家汝以戒戎作及用或敢再拜稽
首應受君公之錫光余弗敢廢乃命及典其先舊及其
高祖號成唐又敢在帝所敷受天命刻伐履司敗乃靈

師凡少臣惟輔咸有九州處禹之都不顯穆公之孫其
配塏公之妣而鍼公之女雱生叔及是辟于齊侯之所
是忠龔齊靈力若虎謹恪其政事有共于公所穀擇
吉金鉄鎬鏐鋁用作鑄其實罇用享于其皇祖皇妣皇
母皇考用祈眉壽令命難老不顯皇祖其作福元孫其
萬福純魯齎協而有事俾若鍾鼓外內開闢都都俞俞
造而朋剝母或承類汝考壽萬年永保其身俾百斯男
而執斯字肅義政齊侯左右母央母已至于業曰武靈

成子子孫孫永保用享

銘文曰師于濶陘者周封太公于爽鳩之墟營丘之地今臨濶

是也曰咸有九州之封域處禹之都者疑為僭妄之詞然臨濶東萊北海高密膠東太山樂安濟南平原齊地蓋有九州也齊四岳之後四岳佐禹有功封于申呂故言處禹之都其曰不顯穆公之孫其配歟公之妣而鹹公之女者即受錫者之世系及其母族也故下文曰雩生叔及是辟於齊侯之所此蓋齊之中世命其勲庸巨臣之文也其錫命有三一曰錫汝釐都其縣三百國徒三千二曰錫汝車馬戎都釐僕二百有五十家三曰錫汝吉金鈇鉞錯鏐盜鑊乃用作鑄其實鐘其曰或敢載拜稽首或蓋受錫者之名也其曰德諫罰朕庶民左右無諱蓋其所命者雖名師旗之政而以德諫其君而以威罰其臣民無有所諱蓋兼司馬司寇之官也故下文曰慎中乃罰曰中數盟刑茲所謂繼命於外內之事者也○按此文自惟王正月至敢不對揚朕辟皇君之錫

休命為初命之辭自公曰及汝
康能乃有事至末為再命之辭

齊侯鐘銘

惟王五月辰在戊寅師于溜陞公曰汝及余經乃先祖
余既敷乃心汝忠畏忌汝不墜夙夜官執而政事余弘
厭乃心余命汝政于朕三軍肅成朕師撫之政德諫罰
朕庶民左右毋諱及不敢弗懲戒虔卹乃死事穆和三
錫休命公曰及汝康能乃有事率乃敵寮余用登純厚
乃命汝及母曰余小子汝敷余于艱卹虔卹不易左右

余一人余命汝鍼差正饗繼命于外內之事中敷盟刑
汝以敷戒公家應卹余于命刻伐履司敗乃靈師但少
臣惟輔咸有九州處禹之都不顯穆公之孫其配塏公
之妯而鍼公之女雱生叔及是辟于齊侯之所是忠龔
齊靈力若虎謹恪其政事有共于桓武靈公之所桓武
靈公錫乃吉金鉄鎬玄鏐鐸鋁乃用作鑄其寶鐘用享
于其皇祖皇妣皇母皇考用祈眉壽令命難老不顯皇
祖其作福元孫其萬福純魯齟協而九事畏若鐘鼓外

內停詞都都俞俞造而朋剝母或承類

齊侯鐘四器分列鑄鐘之銘文

至問或承類而止其間亦詳略不同

管夷吾

字敬仲

版法

房玄齡注云選擇政要載之於版以為常法

凡將立事正彼天植風雨無違遠近高下各得其所三
經既飭君乃有國喜無以賞怒無以殺喜以賞怒以殺
怨乃起令乃廢驟令不行民心有外外之有徒禍乃始
牙衆之所忿置不能圖舉所美必觀其所終廢所惡必

計其所窮慶勉敦敬以顯之富祿有功以勸之爵貴有
名以休之兼愛無遺是謂君心必先順教萬民鄉風旦
暮利之衆乃勝任取人以已成事以質審用財慎施報
察稱量故用財不可以嗇用力不可以苦用財嗇則費
用力苦則勞民不足令乃辱民苦殃令不行施報不得
禍乃始昌禍昌不寤民乃自圖正法直度罪殺不赦殺
僂必信民畏而懼武威旣明令不再行頓卒怠倦以辱
之罰罪宥過以懲之殺僂犯禁以振之植固不動竒邪

乃恐奇革邪化令往民移法天合德象地無親參於日月佐於四時悅在施有衆在廢私召遠在修近閉禍在除怨修長在乎任賢高安在乎同利

趙少牢用賢云悅在施有衆在廢私

當作悅衆在愛施有衆在廢私有字屬下句為是上句有脫字

版法解

版法者法天地之位象四時之行以治天下四時之行有寒有暑聖人法之故有文有武天地之位有前有後有左有右聖人法之以建經紀春生於左秋殺於右夏

長於前冬藏於後生長之事文也收藏之事武也是故
文事在左武事在右聖人法之以行法令以治事理凡
法事者操持不可以不正操持不正則聽治不公聽治
不公則治不盡理事不盡應治不盡理則疏遠微賤者
無所告謫事不盡應則功利不盡舉功利不盡舉則國
貧疎遠微賤者無所告謫則下饒故曰凡將立事正彼
天植天植者心也天植正則不私近親不孽疎遠不私
近親不孽疎遠則無遺利無隱治無遺利無隱治則事

無不舉物無遺者欲見天心明以風雨故曰風雨無違
遠近高下各得其所萬物尊天而貴風雨所以尊天者
為其莫不受命焉也所以貴風雨者為其莫不待風而
動待雨而濡也若使萬物釋天而更有所受命釋風而
更有所仰動釋雨而更有所仰濡則無為尊天而貴風
雨矣今人君之所尊安者為其威立而令行也其所以
能立威行令者為其威利之操莫不在君也若使威利
之操不專在君而有所分散則君日益輕而威利日衰

侵暴之道也故曰三經既飭君乃有國

秉夏方長審治刑賞必明經紀陳義設法斷事以理虛
氣平心乃去怒喜若倍法弃令而行怒喜禍亂乃生上
位乃殆故曰喜無以賞怒無以殺喜以賞怒以殺怨乃
起令乃廢驟令而不行民心乃外外之有徒禍乃始牙
衆之所忿置不能圖

冬既閉藏百事盡止往事畢登來事未起方冬無事慎
觀終始審察事理事有先易而後難者有始不足見而

終不可及者此常利之所以不舉事之所以困者也事
之先易者人輕行之人輕行之則必困難成之事始不
足見者人輕棄之人輕棄之則必失不可及之功夫數
困難成之事而時失不可及之功衰耗之道也是故明
君審察事理慎觀終始為必知其所成成必知其所用
用必知其所利害為而不知所成成而不知所用用而
不知所利害謂之妄舉妄舉者其事不成其功不立故
曰舉所美必觀其所終廢所惡必計其所窮

凡人君者欲民之有禮義也夫民無禮義則上下亂而貴賤爭故曰慶勉敦敬以顯之富祿有功以勸之爵貴有名以休之

凡人君者欲衆之親上鄉意也欲其從事之勝任也而衆者不愛則不親不親則不明不教順則不鄉意是故明君兼愛以親之明教順以道之便其勢利其備愛其力而勿奪其時以利之如此則衆親上鄉意從事勝任矣故曰兼愛無遺是謂君心必先順教萬民鄉風旦暮

利之衆乃勝任

治之本二一曰人二曰事人欲必用事欲必工人有逆
順事有稱量人心逆則人不用事失稱量則事不工事
不工則傷人不用則怨故曰取人以已成事以質成事
以質者用稱量也取人以已者度恕而行也度恕者度
之於已也已之所不安勿施於人故曰審用財慎施報
察稱量故用財不可以嗇用力不可以苦用財嗇則費
用力苦則勞矣奚以知其然也用力苦則事不工事不

工而數復之故曰勞矣用財嗇則不當人心不當人心則怨起用財而生怨故曰費怨起而不復反衆勞而不得息則必有崩弛堵壞之心故曰民不足令乃辱民苦殃令不行施報不得禍乃始昌禍昌而不悟民乃自圖凡國無法則衆不知所為無度則事無機有法不正有度不直則治辟治辟則國亂故曰正法直度罪殺不赦殺僂必信民畏而懼武威既明令不再行

凡民者莫不惡罰而畏罪是以人君嚴教以示之明刑

罰以致之故曰頓卒怠倦以辱之罰罪有過以懲之殺
僇犯禁以振之

治國有三器亂國有六攻明君能勝六攻而立三器則
國治不肖之君不能勝六攻而立三器故國不治三器
者何也曰號令也斧鉞也祿賞也六攻者何也親也貴
也貨也色也巧佞也玩好也三器之用何也曰非號令
無以使下非斧鉞無以畏衆非祿賞無以勸民六攻之
敗何也曰雖不聽而可以得存雖犯禁而可以得免雖

無功而可以得富夫國有不聽而可以得存者則號令
不足以使下有犯禁而可以得免者則斧鉞不足以畏
衆有無功而可以得富者則祿賞不足以勸民號令不
足以使下斧鉞不足以畏衆祿賞不足以勸民則人君
無以自守也然則明君奈何明君不為六者變更號令
不為六者疑錯斧鉞不為六者益損祿賞故曰植固而
不動奇邪乃恐奇革邪化令往民移凡人君者覆載萬
民而兼有之燭臨萬族而事使之是故以天地日月四

時為主為質以治天下天覆而無外也其德無所不在
地載而無弃也安固而不動故莫不生殖聖人法之以
覆載萬民故莫不得其職姓得其職姓則莫不為用故
曰法天合德象地無親日月之明無私故莫不得光聖
人法之以燭萬民故能審察則無遺善無隱姦無遺善
無隱姦則刑賞信必刑賞信必則善勸而姦止故曰叅
於日月四時之行信必而著明聖人法之以事萬民故
不失時功故曰佐於四時、

凡衆者愛之則親利之則至是故明君設利以致之明
愛以親之徒利而不愛則衆至而不親徒愛而不利則
衆親而不至愛施俱行則說君臣說朋友說兄弟說父
子愛施所設四固不能守故曰說在愛施

凡君所以有衆者愛施之德也愛有所移利有所并則
不能盡有故曰有衆在廢私

愛施之德雖行而無私內行不修則不能朝遠方之君
是故正君臣上下之義飾父子兄弟夫妻之義飾男女

之別別疏數之差使君德臣忠父慈子孝兄愛弟敬禮義章明如此則近者親之遠者歸之故曰召遠在修近閉禍在除怨非有怨乃除之所事之地常無怨也凡禍亂之所生生於怨咎怨咎所生生於非理是以明君之事衆也必經使之必道施報必當出言必得刑罰必理如此則衆無鬱怨之心無憾恨之意如此則禍亂不生上位不殆故曰閉禍在除怨也

凡人君所以尊安者賢佐也佐賢則君尊國安民治無

佐則君卑國危民亂故曰修長存乎任賢

凡人者莫不欲利而惡害是故與天下同利者天下持之擅天下之利者天下謀之天下所謀雖立必隳天下所持雖高不危故曰安高在乎同利凡所謂能以所不利利人者舜是也舜耕歷山陶河濱漁雷澤不取其利以教百姓百姓舉利之此所謂能以所不利利人者也所謂能以所不有予人者武王是也武王伐紂士卒往者人有書社入殷之日決鉅橋之粟散鹿臺之錢殷民

大說此所謂能以所不有予人者也

桓公謂管子曰今子教寡人法天合德合德長久合德而兼覆之則萬物受命象地無親無親安固無親而兼載之則諸生皆殖參於日月無私葆光無私而兼照之則美惡不隱然則君子之為身無好無惡然已乎管子對曰不然夫學者所以自化所以自撫故君子惡稱人之惡惡不忠而怨妬惡不公議而名當稱惡不位下而位上惡不親外而內放此五者君子之所恐行而小人

之所以亡況人君乎

九會諸侯令

一會諸侯令曰非玄帝之命毋有一日之師役再會諸侯令曰養孤老食常疾收孤寡三會諸侯令曰田租百取五市賦百取二關賦百取一毋乏耕織之器四會諸侯令曰修道路偕度量一稱數藪澤以時禁發之五會諸侯令曰修春秋冬夏之常祭食天壤山川之故祀必以時六會諸侯令曰以爾壤生物共玄官請四輔將以

禮上帝七會諸侯令曰官處四體而無禮者流之焉
命八會諸侯令曰立四義而毋議者尚之于公官聽于
三公九會諸侯令曰以爾封內之財物國之所有為幣

弟子職

八章○因學紀問曰弟子職漢志附于孝經朱子謂疑是作內政時上之子常為士

因作此以教之又曰大戴記之夏小正管子之弟子職孔叢子之小爾雅古書之存者三子之

也

先生施教弟子是則溫恭自虛所受是極見善從之聞
義則服溫柔孝弟毋驕恃力志毋虛邪行必正直游居

有常必就有德顏色整齊中心必式夙興夜寐衣帶必飭朝益莫習小心翼翼一此不懈是謂學則

右學則

少者之事夜寐蚤作既拚盥漱執事有恪攝衣共盥先生乃作沃盥徹盥汎拚正席先生乃坐出入恭敬如見

賓客危坐鄉師顏色毋怍

席叶祥篇切客叶恪

右蚤作

受業之紀必由長始一周則然其餘則否始誦必作其

次則已凡言與行思中以為紀古之將興者必由此始
後至就席狹至則起若有賓客弟子駿作對客無讓應
畢遂行趨進受命所求雖不得必以反命反坐復業若
有所疑捧手問之師出皆起

否叶鄙客叶恪讓
叶平聲行叶杭

右受業對客

至於食時先生將食弟子饌饋攝衽盥漱跪坐而饋置
醬錯食陳膳毋悖凡置彼食鳥獸魚鼈必先菜羹羹載
中別載在醬前其設要方飯是為卒左酒右醬告具而

退捧手而立三飯二斗左執虛豆右執挾七周旋而貳
唯噍之視同噍以齒周而有始柄尺不跪是謂貳紀先
生已食弟子乃徹趨走進漱拚前歛祭

右饌饋

先生有命弟子乃食以齒相要坐必盡席飯必捧擘羹
不以手亦有據膝無有隱肘既食乃飽循呬覆手振袵
掃席已食者作摠衣而降旋而鄉席各徹其餽如於賓
客既徹并器乃還而立

席音若

右乃食

凡拚之道實水于盤攘臂袂及肘堂上則播灑室中握手執箕膺楪厥中有帚入戶而立其儀不忒執帚下箕倚于戶側凡拚之紀必由與始俯仰磬折拚毋有徹拚前而退聚于戶內坐板排之以葉適已實帚于箕先生若作乃興而辭坐執而立遂出棄之既拚反立是協是稽

右灑掃

暮食復禮昏將舉火執燭隅坐錯總之法橫于坐所櫛之遠近乃承厥火居句如矩蒸間容蒸然者處下捧椀以為緒右手執燭左手正櫛有墮代燭交坐毋倍尊者

乃取厥櫛遂出是去

所叶梳果反下叶戶者叶渚去上聲譚苑云此弟子執燭之禮也古

者無燭臺以人執燭檀弓曾子疾革童子執燭是也蒸薪也梳楚辭所謂懸火今之提燈櫛舊本作即叶音燼櫛即皆假借字正作焔从火从収與脊發同音焔音燼朕媵送字皆以焔說文焔字解云焔聲

右執燭

先生將息弟子皆起敬奉枕席問何所趾倣衽則請有

常則否先生既息各就其友相切相磕各長其儀周而復始謂弟子之紀

右退習

或分有常則否以上為請衽下為退習今從管子合為一章

懿氏

史記田齊世家作懿仲

卜妻陳敬仲繇

左傳陳宣公殺太子御寇厲公子完字敬仲奔齊桓公使為工正初

陳大夫懿氏卜妻敬仲其妻卜之曰吉卒以女妻敬仲生穆孟以田為氏

鳳凰于飛和鳴鏘鏘有媯之後將育于姜五世其昌並

於正卿八世之後莫之與京

卿叶墟羊切京叶居良切媯陳姓姜齊姓並於正

卿即桓子大于齊莫之與京謂成子得政
至後田和篡齊為諸侯傳孫為齊成王

晏嬰

字仲謚平菜之維夷人厯
事靈公莊公景公為齊相

內楹示子書

晏子病將死斷楹內書焉謂其妻曰楹
也語子壯而視之及壯發書書之言曰

布帛不可窮窮不可飾牛馬不可窮窮不可服士不可

窮窮不可任國不可窮窮不可竊也

晏子
春秋

同前
說苑

布帛不窮窮不可飾牛馬不窮窮不可服士不可窮窮

不可任窮乎窮乎窮也

齊人

納景公譖晏子書

晏子相景公其論人也見賢而進之不同君所欲見不善則廢之不辟君所愛行已而無私直言而無諱有納書者云云公以為然晏子入朝公色不悅故晏子歸備載使人辭曰嬰故老悖無能無敢服壯者事辭而不為臣退而窮處東畔海濱公自治國權輕諸侯身弱高國公恐復召晏子

廢置不周於君前謂之專出言不諱於君前謂之易專

易之行存則君臣之道廢矣吾不知晏子之為忠臣也

晏子
春秋

齊豆銘

三十字
考古

姬宗母作太公郭公崧公魯中豎伯孝公胡公豆用斲

眉壽永命多福永寶用

蔡博士云按齊世家言太公之卒百有餘年子丁公呂伋始立

如亭公以下三世至孝公始見於史自呂伋十四世矣

紀附

紀國金壺丹書

晏子春秋齊滅紀景公遊於紀得金壺發視之中有丹書公曰善哉

食魚無反惡其鯨也勿乘駕馬惡其取道不遠也晏子曰不然食魚無反毋盡民力乎勿乘駕馬無置不肖於側乎公曰紀有書何以亡也晏子曰嬰聞之君子有道懸之間紀有此言注之壺不亡何待乎

食魚無反勿乘駕馬

皇霸文紀卷五

欽定四庫全書

皇霸文紀卷六

明 梅鼎祚 編

晉

獻公

名詭諸曲沃武公子其先周成王封同母弟叔虞于唐改號晉至文侯弟成師封于曲沃傳及

孫稱伐晉有其地是為武公

伐驪

語晉獻公卜伐驪戎史蘇卜之曰勝而不吉遇兆曰

挾以銜骨齒牙為猾戎夏交猝

齒牙為猾以象讒口之為害也此為伐戎獲驪

姬亂晉之兆

驪姬繇

晉獻公伐驪戎克之獲驪姬有寵欲以為夫人卜之不吉筮之吉公曰從筮卜人曰

筮短龜長不如從長且其繇曰云云及驪姬立果作難殺太子申生而逐二公子

專之渝攘公之瑜一薰一蕕十年尚猶有臭

渝叶夷周切瑜叶同

渝臭叶丑鳩切○渝變也攘除也瑜美也言變乃除公之美十年有臭言善易消惡難除也

伯姬繇

左傳晉獻公筮嫁伯姬於秦遇歸妹之睽史蘇占之曰不吉其繇曰

士刳羊亦無盍也女承筐亦無貺也西鄰責言不可償也歸妹之睽猶無相也震之離亦離之震為雷為火為羸敗姬車說其輶火焚其旗不利行師敗於宗丘歸妹

睽孤寇張之孤姪其從姑六年其逋逃歸其國而棄其

家明年其死於高粱之虛

孟音荒丘叶丘於切家叶攻乎切○歸妹上六無應所求

不獲故爻辭云女承筐無實士刲羊無血將歸女於西
而遇不吉之卦故知有責讓之言○睽乎離之象相助
也二卦變而氣相通震為雷離為火嬴秦姓姬晉姓火
動熾而害其母故為女嫁反害其家害母者震木離火
木為火之母也原注未明○震為車離為火上爻在震
則無應故車脫輓在離則失位故火焚旗車敗旗焚故
不利行師還害母故敗在宗邑○睽上九爻辭云睽孤
先張之弧處睽之極失位孤絕故遇寇難而有弓矢之
警○震為木離為火火從木生離為震妹於火為姑謂
晉公子圉質于秦穆公以女妻之子圉逃歸晉得立是
為懷公故秦女稱懷嬴秦復以妻公子重耳晉惠公死
之明年重耳入殺懷公於高粱是為文公皆其應也

惠公

姬姓名夷吾獻公子

遺里克書

獻公薨公子夷吾重耳俱在外里克殺奚齊悼子夷吾使卻芮厚賂秦約曰即

得入請以河西之地與秦又遺里克書秦穆公發兵送夷吾入而立焉是為惠公惠公入殺里克

克而背秦之賂

誠得立請遂封子於汾陽之邑

國語

與人誦

國語曰晉惠公入而背內外之賂與人誦之○惠公初求納許秦以河外列城五許

里克以汾陽之田百萬丕鄭負葵之田七十萬及入立皆背之秦伐晉戰于韓原獲晉侯既而

歸之

佞之見佞果喪其田詐之見詐果喪其賂得國而狃終

逢其咎喪田不懲禍亂其興

佞叶稱因切田音與陳同詐叶莊助反○佞謂里丕

詐謂秦見佞見詐俱謂惠公也喪田喪賂謂不得其賂地狃怏也咎謂惠公敗於韓不懲謂丕鄭復欲與秦共納重耳惠公殺之

恭世子誦

國語晉惠公改葬共世子臯達于外國人誦之郭偃曰甚哉善之難也君改葬

共君以為榮也而惡滋章十四年君之冢嗣其替乎其數告於民矣公子重耳其入乎其魄兆於民矣若入必伯諸侯以見天子其光耿於民矣○共世子申生也獻公時申生為驪姬譖死葬不如禮故改葬之惠公烝於獻公夫人賈君故申生臯達於外不欲為無禮者所葬也

貞之無報也孰是人斯而有是臭也貞為不聽信為不
誠國斯無刑媮居幸生不更厥貞大命其傾威兮懷兮
各聚爾有以待所歸兮猗兮違兮心之哀兮歲之二七
其靡有微兮若翟公子吾是之依兮鎮撫國家為王妃

兮

報叶敷救切懷叶胡威切哀叶於希切○以正葬之
不見聽也信心行之不見誠也惠公偷竊居位徵幸

而生國人畏惠公思重耳也靡有微者亦亡謂子圉也
翟公子指重耳時出居於翟也言重耳當霸諸侯為王

耦妃

與人誦

左傳晉侯宋公齊國歸父崔夭秦小子憖
次於城濮楚師背鄢而舍晉侯患之聽輿

人之誦子犯曰戰也戰而勝必得諸侯纁貞子
曰漢陽諸姬楚實盡之思小惠而忘大恥不如
戰也楚
師敗績

原田每每舍其舊而新是謀

每平聲謀音媒○每每美貌喻晉軍美盛若原田之

草每每然可以謀立新功不足念楚成王贈送之舊惠也

文公

名重耳獻公子

合諸侯盟

說苑晉文公合諸侯而盟於是君子聞之曰文公其知道乎其不王者猶無佐

也

吾聞國之昏不由聲色必由姦利好樂聲色者淫也貪

姦者惑也夫淫惑之國不亡必殘自今以來無以美妾
疑妻無以聲樂妨正無以姦情害公無以貨利示下其
有之者是謂伐其根素流於華葉若此者有患無憂有
寇勿弭不如言者盟示之

正一作政

厲公

名壽曼
景公子

鄆陵

左傳晉侯將伐鄭鄭人使告於楚楚子救
鄆陵鄆六月晉楚遇於鄆陵厲公筮之史曰吉

其卦遇

復曰

南國蹙射其元王中厥目

復陽長之卦陽起於子南行催
陰離受其咎離為諸侯又為日

陽氣激南飛矢之象
及戰射楚共王中目

平公

名彪悼
公子

賜鄭公孫段策

鄭伯如晉公孫段相甚敬而卑
禮無違者晉侯嘉焉授之以策

子豐有勞於晉國余聞而勿忘賜女州田以胙乃舊勲

左傳○子豐段
父州田晉邑

讒鼎銘

左傳晏嬰為景公請繼室于晉叔向從之
宴相與語曰齊其如何晏子曰此季世也

齊其將為陳氏矣叔向曰吾公室亦季世也政
在家門民無所依君日不悛以樂恣憂讒鼎之

銘曰云云況日不悛其能久乎○案杜注讒鼎名也正義服虔云疾讒之鼎也明堂位所云崇鼎一云讒地名禹鑄鼎于甘讒之地故云二者無據故杜但云鼎名而已據後說則此為夏鼎也即不然亦非晉鼎矣韓非子齊伐魯索讒鼎因學紀聞云韓子說林曰齊伐魯索讒鼎魯以其鴈往齊人曰鴈也魯人曰真也齊曰使樂正子春來吾將聽子新序呂氏春秋皆曰岑鼎二字音相近然則讒鼎魯鼎也明堂位魯有崇鼎服注不為無據○鼎按魯鼎之銘晉人不應引用明堂位崇鼎貫鼎大璜封父龜天子之器也豈此本周器而以頒魯者耶宣和博古圖說云曰崇曰貫名其國也曰讒曰刑著其事也則讒又非崇矣王厚伯謂讒岑聲近亦是臆說今以言出叔向姑附之晉然銘止昧旦二語況日不悛正應君日不悛叔向之言也馮氏詩紀併況

日不悛其能久乎作銘急音以久叶苟起反
又以爲晏嬰引言並誤古文韻語止二句

昧旦丕顯後世猶怠

韓城鼎銘

一百十九字○歐陽修集古錄云原父得鼎韓城遺余以銘太常博士楊南仲

能讀古文篆籀爲余以今文寫之而闕其疑者
與原父時有不同故并著二家所解以俟博識
君子○考古圖作晉姜鼎銘見後劉敞原父
釋銘文有晉姜有文侯以爲曲沃宗廟器

惟王九月乙亥晉姜曰余惟司朕先姑君晉邦余不

闕

安寧丕雖明德宣

我猷用

所辭辟

闕

剿虔

不闕

呂寵我萬民嘉遺我錫鹵賚千兩今灋文

侯闕

征綏闕

堅久吉金用作寶尊鼎用

康醕妥懷遠邦君子晉姜用斲

闕

麋壽作惠闕亟萬

年無疆用德峻保其孫子三壽是利

楊南仲釋

佳

惟

王九月乙亥晉姜曰余佳

惟司

同嗣享

朕先姑君晉

邦余不叟

數今作敢者猶文省

安寧

經

澹

離

明德宣和

疑即省隸作卹

我酌用鬯卣辟辟姬

疑即母字

鬻父光剿虔不彖

疑彖字讀為隆

諸鬯享享

師

臂我萬民剋遷我殂

疑易字

函

函或冒字省

賁千兩勿灑文侯顧令畢

疑畢字

聿

疑聿字 讀為貫

徧通

少征繇

疑繇字

湯馥収

受久吉金用亡

亡寶罇

罇鼎

用康

疑夏字

𣪠

妥讀為綏

襄繇切君子晉姜用

斲

斲疑斲字 讀為斲

𣪠縮𣪠

疑𣪠字 讀為眉

𣪠𣪠𣪠

為極

萬年無彊

彊

用高

用德

𣪠

疑允字

𣪠其孫子三𣪠是𣪠

右嘉祐己亥歲馮掖有得鼎韓城者募歎識于石樂安公南仲職典

書學命釋其字謹按其銘蓋多古文

奇字古文自漢世知者已稀字之傳者賈逵許慎輩多無其說蓋古之事

物有不與後世同者故不能盡通其作字之本意也其不傳者今或得於古器無所依據難以臆斷大抵古字

多省偏旁而趣簡易故佳司亞𣪠𣪠等字皆假借也鄭司農說周禮云古者書儀但為義又云古者立位同字

古文春秋經公即位為公即立者是也○𠂔者進取也
从受故𠂔疑為𠂔𠂔母从女而象乳子形故𠂔疑為母
而𠂔讀為𠂔○雖用邕聲邕从川古文作𠂔今此𠂔从
水从吕故疑為雖○魯字古作𠂔即旅字古文旅作𠂔
而𠂔者字用𠂔為聲蓋古文魯旅者三字通用故譌疑
為諸○易者篆文象蜥易形故𠂔疑為易而讀為錫為
賜皆以聲假借也○鹵从鹵古西字中象鹽形胃胃上
象胃中穀形故鹵胃二字○卑者从𠂔在甲下𠂔今但
用左古者尚右故𠂔在甲下為卑故畢疑為卑亦恐借
為俾讀○世音冠象穿寶貨形貫字从之𠂔或即母字
今毛詩有串夷字俗用為串穿之串而說文不載豈非
𠂔字之省也故疑𠂔讀為貫○通从𠂔之𠂔字多通用
故循疑為通○古詩二字相屬者多為一字書之若秦
鐘銘有字小子𠂔四方之字是也鹵古西字故𠂔疑為
西夏字秦鍾銘亦有此字○𠂔字說文無之蓋古𠂔字
省系𠂔其後相承讀如𠂔故疑讀為𠂔○𠂔音偃石

鼓文皆作𠂔古之旌旂悉載於車故疑𨾏即旂字而从
車借讀為祈近嘗有得敦藍田者二銘皆有用𨾏萬𨾏
之文故知然也𨾏今幅為許刀而𨾏芭之𨾏音門用之
為聲詩鳧鷖在𨾏又省為𨾏易繫辭𨾏又讀如尾𨾏門
尾聲相近又古者字音多與今異徐鉉所謂如自亦音
𨾏亦音門乃亦音仍它皆倣此是也豈𨾏眉古亦同音
𨾏秦鐘銘亦有𨾏𨾏字故𨾏疑為眉○為者毋猴也从
爪而象其形故𨾏為為○𨾏字字書所無而於文勢宜
為允蓋用𨾏省聲也它字不可識者猶十一二與其偏
旁之異者若𨾏馬𨾏𨾏之類皆今所不傳以小篆參
求之不能彷彿以今揆之其間或當時書者鑄器者不
必無謬誤矣嘉祐壬寅冬十月太常博士知國子監書
學豫章楊
南仲識

晉姜鼎銘

博古圖○一百二十二字

惟王九月乙亥晉姜曰余惟嗣朕先姑君晉邦余不辱
妄寧經雍明德宣邨我猷用昭所辭辟委揚乃光烈虔
不墜譜覃亭以肇我萬民嘉遣我錫虎賁千兩勿廢文
侯顧命畏貫通弘征綏湯原取乃吉金用作寶尊鼎用
康醕妥懷遠廷君子晉姜用斬綽綰眉壽作惠為亟萬
年無疆用享用德峻保其孫子三壽是利

晉姜齊侯宗女姜氏以其

妻晉文侯故曰晉姜觀其始言君晉邦取其寡小君之稱以正其名中敘文侯威貫通洪征綏湯原以顯已之有助末言保其孫子三壽是利與詩人言三壽作朋同意款識條理有周書誓誥之辭其因學紀聞云安世房

中歌克綽永福顏氏注緩也延長之意曰綽綽則祝以
優裕也伯碩父鼎銘亦曰綽綽○徐獻忠云蓋晉姜旣
歿而後世章其廟德故作此鼎○
博古圖以三壽為外之三卿非

晉夷則鏡文

博異記天寶中金陵陳仲躬住洛陽
清化里宅有井善溺人一日水頓竭
見一女子自稱敬元顏飾鉛粉衣緋綠令其洵
井得古銅鏡夜復見元顏云某本師曠所鑄十
二鏡之第七者其背有二十八字
皆科斗書於鼻題曰夷則之鏡

維晉新公二年七月七日午時於首陽山前白龍潭鑄

成此鏡千年萬世

萬一作後
一作在

祖朝

上獻公書

晉獻公之時東郭氏有祖朝者上書獻公獻公召而見之三日與語無復憂者乃以為師

草茅臣東郭民祖朝願請聞國家之計

說苑

介子推

一云介之推琴操作介子綏劉向列仙傳云介子推姓王名光

懸宮門書

獻公殺太子公子重耳夷吾出亡夷吾立為惠公子懷公立秦使晉弑之而內重耳是為文公反國賞從亡者介子推不言祿祿亦不及與其母遂偕隱從者憐之乃懸書宮門公出見書曰此介子推也使人召之亡入縣上山中於是環縣上山而封之因號曰介山

龍欲上天五蛇為輔龍已升雲四蛇各入其宇一蛇獨

怨終不見處所

史記○索隱曰五蛇即五臣狐偃趙衰魏武子司空季子及子推也

同前

說苑亦云懸書宮門呂氏春秋新序琴操並作歌其辭互異說苑又作舟之僞陳辭

有龍矯矯頃失其所五蛇從之周徧天下龍饑無食一
蛇割股龍反其淵安其壤土四蛇入穴皆有處所一蛇
無穴號于中野

士燮

范文子士會之子

會楚盟

宋華元克合晉楚之成晉士變會楚
公子罷許偃癸亥盟於宋西門之外

凡晉楚無相加戎好惡同之同恤菑危備救凶患若有
害楚則晉伐之在晉楚亦如之交贄往來道路無壅謀
其不協而討不庭有渝此盟明神殛之俾隊其師無克
胙國

左傳

士匄

范宣子文
子變之子

合諸侯載書

晉合諸侯伐鄭鄭行成乃同盟于亳范
宣子曰不慎必失諸侯乃盟載書曰

凡我同盟毋謫年毋壅利毋保姦毋留慝救災恤禍
亂同好惡獎王室或聞茲命司慎司盟名山名川羣神
羣祀先王先公七姓十二國之祖明神殛之俾失其民
隊命亾氏踣其國家

左傳

士弱

莊子

盟鄭載書

諸侯伐鄭鄭服而同盟于戲士莊
子為載書鄭公子駢進曰云云

寡人有討於郤氏郤氏既伏其辜矣大夫無辱其復職

位

樂書中行偃對

君討有臯而免臣于死君之惠也二臣雖死敢忘君德

左傳

荀偃

中行獻子伯游庚之子

禱河

平公伐齊將濟河獻子以朱絲繫玉二鼓而禱曰

齊環怙恃其險負其衆庶弃好背盟陵虐神主曾臣虜

將率諸侯以討焉其官臣偃實先後之苟捷有功無作
神羞官臣偃無敢復濟唯爾有神裁之

左傳○環齊靈公名彪晉平公

名

欒盈

懷子

辭于周行人

盈父厲娶于范宣子而生盈初厲強逐范鞅使
奔齊及厲卒盈母祁與其老州賓通懼盈之討
也愬諸宣子曰盈將為亂宣子使城著而遂逐
之過于周周西鄙掠之辭于行人王使候出諸

轅
轅

天子陪臣盈得臯于王之守臣將逃臯臯重于郊甸無所伏竄敢布其死昔陪臣書能輸力于王室王施惠焉其子廩不能保任其父之勞大君若不弃書之力臣猶有所逃若弃書之力而思廩之臯臣戮餘也將歸死于尉氏不敢還矣敢布四體唯大君命焉

左傳○欒武子書廩之父

魏絳

畢萬之孫萬事獻公為大夫賜之魏以魏為氏

授悼公書

悼公名周襄公曾孫

悼公會諸侯於難立絳為中軍司馬公子揚干亂行于曲梁魏絳戮其僕晉侯怒曰必殺魏絳

言終絳至授僕人書將伏劍士魴張老止之公
讀其書既而出曰寡人之言親愛也吾子之討
軍禮也寡人有弟弗能教訓使干大命寡人之
過也子無重寡人之過敢以為請晉侯以魏絳
為能以刑佐民矣反役
與之禮食使佐新軍

日君乏使使臣斯司馬臣聞師衆以順為武軍事有死
無犯為敬君合諸侯臣敢不敬君師不武執事不敬罪
莫大焉臣懼其死以及揚干無所逃罪不能致訓至於
用鉞臣之罪重敢有不從以怒君心請歸死於司寇

左傳

同前 國語

臣誅於揚干不忘其死日君乏使使臣徂中軍之司馬
臣聞師衆以順為武軍事有死無犯為敬君合諸侯臣
敢不敬君不說請死之

羊舌肸

叔向羊舌
職之子

詒鄭公孫僑鑄刑書

鄭人鑄刑書叔向使詒子產書子產以書復之
士文伯曰火見鄭其火乎火未出而作火以鑄
刑器藏爭辟焉火如象
之不火何為鄭果災

始吾有虞於子今則已矣昔先王議事以制不為刑辟

懼民之有爭心也猶不可禁禦是故閑之以義糾之以
政行之以禮守之以信奉之以仁制為祿位以勸其從
嚴斷刑罰以威其淫懼其未也故誨之以忠聳之以行
教之以務使之以和臨之以敬涖之以彊斷之以剛猶
求聖哲之上明察之官忠信之長慈惠之師民於是乎
可任使也而不生禍亂民知有辟則不忌於上竝有爭
心以徵於書而徵幸以成之弗可為矣夏有亂政而作
禹刑商有亂政而作湯刑周有亂政而作九刑三辟之

興皆叔世也今吾子相鄭國作封洫立謗政制參辟鑄刑書將以靖民不亦難乎詩曰儀式刑文王之德日靖四方又曰儀刑文王萬邦作孚如是何辟之有民知爭端矣將棄禮而徵於書錐刀之末將盡爭之亂獄滋豐賄賂竝行終子之世鄭其敗虜胥聞之國將亡必多制其此之謂序

公孫僑復叔向書

僑見後

若吾子之言僑不才不能及子孫吾以救世也既不承

命敢忘大惠

左傳

讒萇弘書

叔向之讒萇弘也為書因佯遺其書周君之庭而急去行周以弘為賣周也乃誅殺之

萇弘謂叔向曰子為我謂晉君所與君期者時可矣何

不亟以兵來

韓非子

同前

說苑

叔向之殺萇弘也數見萇弘于周因佯遺書劉氏請之君曰此萇弘也乃殺之

萇弘謂叔向曰子起晉國之兵以攻周吾廢劉氏而立

單氏

鄭

公子歸生

子家鄭執政大夫

告晉趙盾書

宣子晉正卿

晉靈公蒐於黃父遂合諸侯於扈不見鄭穆公以爲貳於楚也鄭子家使執訊而與之書以告宣子晉鞏朔行成於鄭趙穿公壻池爲質焉

寡君即位三年召蔡侯而與之事君九月蔡侯入於敕邑以行敕邑以侯宣多之難寡君是以不得與蔡侯偕

十一月克減侯宣多而隨蔡侯以朝于執事十二年六月歸生佐寡君之嫡夷以請陳侯於楚而朝諸君十四年七月寡君又朝以歲陳事十五年五月陳侯自敝邑往朝於君往年正月燭之武往朝夷也八月寡君又往朝以陳蔡之密邇於楚而不敢貳焉則敝邑之故也雖敝邑之事君何以不免在位之中一朝于襄而再見于君夷與孤之二三臣相及於絳雖我小國則蔑以過之矣今大國曰爾未逞吾志敝邑有亡無以加焉古人有

言曰畏首畏尾身其餘幾又曰鹿死不擇音小國之事
大國也德則其人不德則其鹿也鋌而走險急何能
擇命之罔極亦知亡矣將悉敝賦以待於儵惟執事命
之文公二年六月壬申朝於齊四年二月壬戌為齊侵
蔡亦獲成於楚居大國之間而從於彊今豈其罪也大
國若弗圖無所逃命

左傳○夷穆公大子即靈公○藏
音闡勅也勅成前好音音蔭所休

蔭之
處

公孫僑

子產一字子美
穆公孫為少正

告晉范宣子士匄論重幣書

士匄文子士變子其先食邑于范

范宣子為政諸侯之幣重鄭人病之鄭伯如晉子產寓書於子西以告宣子宣子說乃輕幣○

鄭伯簡公姬姓其先周厲王少子友封于鄭

子為晉國四鄰諸侯不聞令德而聞重幣僑也惑之僑聞君子長國家者非無賄之患而無令名之難夫諸侯之賄聚於公室則諸侯貳若吾子賴之則晉國貳諸侯貳則晉國壞晉國貳則子之家壞何沒沒也將焉用賄夫令名德之興也德國家之基也有基無壞無亦是務

乎有德則樂樂則能久詩云樂只君子邦家之基有令德也夫上帝臨女無貳爾心有令名也夫恕思以明德則令名載而行之是以遠至邇安毋寧使人謂子子實生我而謂子浚我以生乎象有齒以焚其身賄也

左傳

子產誦

一章○左傳曰鄭子產從政一年與人誦之及三年又誦之

取我衣冠而褚之取我田疇而伍之孰殺子產吾其與之

又誦

我有子弟子產誨之我有田疇子產殖之子產而死誰

其嗣之

誨古叶志殖
叶恃吏反

宋

正考父

微子之後孔子之先初微子封于宋宋襄公
生弗父何讓位弟厲公四世為正考父生孔

父嘉別族孔氏三
傳至孔防叔奔魯

鼎銘

左傳魯孟僖子曰吾聞將有達者曰孔丘其
祖弗父何及正考父佐戴武宣三命茲益共

故其鼎銘云其共也
如是○鼎在考父廟

一命而僂再命而偃三命而俯循牆而走亦莫余敢侮

饅於是鬻於是以餉余口

走叶祖口叶孔五切○三命上卿

韓馮妻何氏

九域志馮康王舍人

遺夫書

宋大夫韓馮取妻而美康王奪之而馮怨王因
之論為城旦妻遺馮書謬其辭王以問蘇賀對
曰其雨淫淫言愁且思也河大水深不得往來
也日出當心有死志也俄而馮自殺妻乃陰腐
其衣王與之登臺遂自臺投之左右攬之衣不
中手遺書與王王怒弗聽使人埋之塚相望也
有文梓生于二塚之端屈體相就根交于下又
有鴛鴦雌雄各一栖泊樹上交頸悲鳴宋人號
其木曰相思樹今
睢陽有韓馮城

其雨淫淫河大水深日出當心

彤管集作何氏答夫歌

與康王書

康王名衍為齊所滅宋亡其先周成王封殷微子啓于宋

王利其生不利其死願以屍骨賜馮而合葬乎

干寶搜神記○

不利其死九域志法苑珠林作妄利其死

許

靈公

鄒子鍾銘

考古圖

惟正月初吉丁亥鄒子將以擇其吉金自作鈴鍾中縣

且揚元鳴孔隴穆和鐘用宴以喜用樂嘉賓大夫及我
朋友穀穀鏘鏘萬年無期眉壽無已子子孫孫永保鼓
之

史記鄭悼公元年鄉公愍鄭于楚徐廣曰鄉
音許許公靈公也鄉許文異而音義同子爵

衛

靈公

名元襄公子立四十年其
先文王之子康叔封于衛

石櫛銘

博物志衛靈公葬得石櫛
銘一作掘沙丘得石櫛銘

不逢箕子靈公奪我里

一云不馮其子靈公奪而里
一云不馮其子靈公奪而藏之

莊公

名蒯聩
靈公子

禱辭

蒯瞶謀入衛過鄭人戰于鐵禱曰

曾孫蒯瞶敢昭告皇祖文王烈祖康叔文祖襄公鄭勝
亂從晉午在難不能治亂使鞅討之蒯瞶不敢自佚備
持矛焉敢告無絕筋無折骨無面傷以集大事無作三

祖羞大命不敢請佩玉不敢愛

左傳○勝鄭聲公名午晉定公名○國語云曾

孫蒯瞶以諄趙鞅之故敢昭告于皇祖文王烈祖康叔
文祖襄公昭考靈公夷請無筋無骨無面傷無敗用無
隕懼死不敢請

筮夢渾良夫繇

左傳初蒯聵為太子出在戚靈公卒國人立其子輒蒯聵與渾良夫

盟曰苟使我入服冕乘軒三死無與良夫孔氏
暨也迫孔懼逐輒得立是為莊公謂良夫曰吾
繼先君而不得其器若之何良夫曰疾與亡君
皆君之子也召之而擇材焉若不材器可得也
太子疾却公而強盟之明年為虎幄於藉圃成
求令名者而與之始食焉太子請使良夫良夫
乘束甸兩牡紫衣狐裘至袒裘不釋劍而食太
子數以三罪而殺之公夢于北宮見人登昆吾
之觀被髮北面而譟曰登此昆吾之虛懸縣生
之爪余為渾良夫叫天無辜公親筮之胥彌敫
占之曰不害逃奔宋公貞卜其繇云云晉伐衛
石圃作難攻公公閉門請弗許踰于北方而隊
為戎州人所殺

如魚竄尾衡流而方羊裔焉大國滅之將亡闔門塞竇乃

自後踰

竄音賴赤也魚勞則尾赤衡流方羊不能自安裔水逮

甯俞

武子莊子連之子

與衛人盟

成公初欲與楚羣臣不欲出奔楚晉人復成公武子與衛人盟于宛濮

天禍衛國君臣不協以及此憂也今天誘其衷使皆降
心以相從也不有居者誰守社稷不有行者誰扞牧圉
不協之故用昭乞盟于爾大神以誘天衷自今日以往
既盟之後行者無保其力居者無懼其罪有渝此盟以

相及也明神先君是糾是殛左傳

孫林父

文子嗣父桓子良夫為卿

卜追鄭師繇

左傳楚伐宋衛侯救宋師於襄牛鄭皇耳帥師侵衛楚令也孫文子卜追

之獻兆於定姜姜氏問繇姜氏曰征者喪雄禦寇之利也大夫國之衛人追之獲鄭皇耳於犬丘○定姜衛定公夫人衛侯襄公也

兆如山陵有夫出征而喪其雄

陵叶良中反

孔惺

莊叔之後文子圉之子母伯姬為莊公妙惺初事出公輒為卿已出輒立莊公為所逐奔宋

鼎銘

禮記祭統此衛孔惺之鼎銘也古之君子論譏其先祖之美而明著之後世者也○注云

莊公蒯賸德孔懼立已故因至廟禘祭賜銘以褒顯其先世也○案此為孔氏所追述銘于烝

祭之鼎非莊公賜銘也

六月丁亥公假于太廟公曰叔舅乃祖莊叔左右成公成公乃命莊叔隨難于漢陽即宮于宗周奔走無射啓右獻公獻公乃命成叔纘乃祖服乃考文叔興舊耆欲作率慶士躬恤衛國其勤公家夙夜不懈民咸曰休哉公曰叔舅予女銘若纘乃考服懼拜稽首曰對揚以辟之勤大命施于烝彝鼎

異姓大夫年幼故稱叔舅莊叔懼七世祖孔達也成公嘗為晉

所伐奔楚反國又殺弟武叔晉人執歸京師實諸深室
莊叔奔走其間至勞不厭其餘功流於後世猶能助佑
成公之曾孫獻公而成叔為莊叔之孫及惲考文
子孔圉皆能遵舊而興起之也○慶士即卿士

宋石

尺牘作魏
宋石誤

遺荊衛君書

宋石衛將也衛君荊將也兩國
搆難二子皆將石遺衛君書

二君相當兩旗相望惟毋一戰戰必不兩存此乃兩主
之事也與子無有私怨善者相避也

韓非子○怨
下一有也字

皇霸文紀卷六